



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

არღავანი

არღავანი, იუდას ხე (*Cercis siliquastrum*), ხე ან ბუჩქი პარკოსანთა ოჯახის ცეზალპინიისებრთა ქვეოჯახისა. მისი სიმაღლე 7-8, ზოგჯერ 15 მ აღწევს. მურა ყავისფერი ქერქი აქვს. აპრილში ფოთლის გამოტანამდე ზედ ტოტებზე უხვად გამოაქვს მუქი ვარდისფერი ყვავილი. ნაყოფი - 10-12 სმ სიგრძის პარკი - სექტ-ში მწიფდება და ფოთლის ჩამოცვენის შემდეგაც დიდხანს რჩება ხეზე. ა. ველურად იზრდება მცირე აზიაში, სამხრ.-აღმ. ევროპასა და ხმელთაშუაზღვისპირეთში. საქართველოში საკმაოდ ფართოდაა გაშენებული ბაღებსა და ქუჩებში, კარგად ხარობს და ზოგან (აფხაზეთი, აჭარა, ქართლ-კახეთი) გავლურებულიცაა. ჩვეულებრივ ქვალორდიან და კირიან ნიადაგზე იზრდება. იტანს ჰაერის სიმშრალეს, უყვარს სითბო. ლამაზი დეკორ. მცენარეა, მეტადრე ყვავილობის დროს.

ვ. მირზაშვილი
